



АУДАНЫҚ ГАЗЕТ 1928 ЖЫЛДАН  
БАСТАП ШЫҒАДЫ

# NUR QORG'ALJYN НҰР – ҚОРҒАЛЖЫН

АУДАНЫҚ ҚОҒАМДЫҚ-САЯСИ ГАЗЕТ 2012 ЖЫЛДЫҢ 1 МАУСЫМЫНАН БАСТАП ШЫҒАРЫЛАДЫ

№46 (879) 13 қараша 2025 жыл

<http://nurgazeta.kz/>



Botagozsembaikyzy



Нұр- Қорғалжын газеті

## Қорғалжын ауданында Статистика саласының 105 жылдығы аталып өтті

Қорғалжын ауданында Статистика күні және Қазақстан мемлекеттік статистикасының 105 жылдық мерейтойына арналған салтанатты іс-шара өтті. Жиынға аудан басшылығы, сала қызметкерлері және ауылдық округтердің мамандары қатысты.



Іс-шара барысында аудан әкімі статистика саласының мемлекеттік басқарудағы, әлеуметтік-экономикалық жоспарлаудағы және өңірдің даму бағалауындағы маңызды рөлін атап өтті. 2025 жылы өткен Ұлттық

ауыл шаруашылығы санағында Қорғалжын ауданы Ақмола облысының 19 ауданы ішінде жұмысты мерзімінен бұрын аяқтап, 3-орынға ие болды. Сонымен қатар Қызылсай және Майшұқыр ауылдық

округтері санақты 100% онлайн форматта аяқтап, үздік нәтиже көрсетті.

Санақтың онлайн және офлайн кезеңдерін ұйымдастыруға атсалысқан мамандардың еңбегі ерекше атап өтілді.

Жиын барысында статистика қызметкерлеріне және ауыл шаруашылығы санағына қатысқан ауылдық округтердің мамандарына Алғыс хаттар табысталды.

Аудан әкімінің баспасөз қызметі



## «Ән жұлдызы – Шәмші аға» атты дөңгелек үстел өтті

Қорғалжын аудандық орталық кітапханасында қазақ вальсінің королі, халық композиторы Шәмші Қалдаяқовтың 95 жылдығына арналған «Ән жұлдызы – Шәмші аға» атты дөңгелек үстел ұйымдастырылды. Іс-шараға кітапхананың тұрақты оқырмандары қатысып, композитордың өмір жолы мен шығармашылық мұрасы жан-жақты талқыланды.

Шара барысында қатысушылар Шәмші Қалдаяқовтың қазақ музыка өнеріндегі орны, ұлттық руханиятқа қосқан теңдессіз үлесі туралы пікір алмасты. Оның сыр-шыл, жүрекке жақын әуендері

мен мәңгілік мұрасы қазақ халқының рухани байлығына айналғаны ерекше атап өтілді. Қатысушылар композитордың шығармашылығына қатысты естеліктер, қызықты деректер келтіріп, Шәмші әндерінің ұлт жүрегінде әрдайым шырқала беретінін айтты.

Дөңгелек үстел соңында жиналғандар композитордың ең әсерлі және кеңінен танылған әндерінің бірі – «Кешікпей келем деп ең...» әнін орындап, өнер иесіне деген құрметтерін білдірді.

Қорғалжын ауданының орталық кітапханасы

## ҚАЗАҚСТАН ХАЛҚЫ АССАМБЛЕЯСЫНЫҢ 30 ЖЫЛДЫҒЫ АЯСЫНДА ЭТНОЖУРНАЛИСТИКА КЕҢІСТІГІ ТАЛҚЫЛАНДЫ

7 қараша күні Көкшетаудағы Достық үйінде Қазақстан халқы Ассамблеясының 30 жылдығына арналған «Этножурналистика кеңістігі: заманауи көзқарас пен кәсіби жауапкершілік» атты ҚХА Журналистер клубының кеңейтілген отырысы өтті. Іс-шара этносаралық келісімді нығайтуға бағытталған ақпараттық саясатты дамыту, этножурналистиканың кәсіби деңгейін көтеру және медиамадениетті жетілдіру мәселелеріне арналды.

Жиынға өңірлік БАҚ өкілдері, этномәдени бірлестіктердің мүшелері, мемлекеттік органдар мен журналист-сарапшылар қатысты.

Отырысты Этносаралық қатынастар мәселелері жөніндегі бөлім басшысы Сейітов Еркін Қайыржанұлы жүргізіп, қатысушыларға жемісті жұмыс тіледі.

Алғашқы құттықтау сөз «Қоғамдық келісім» КММ басшысы Қуаныш Ғибадатұлы Шақшақовқа берілді. Ол этносаралық келісімді нығайтудағы медианың рөлін атап, журналистерге шығармашылық табыс тіледі.

Негізгі бөлімде бірқатар спикерлер

баяндама жасап, тәжірибелерімен бөлісті. Ақмола облыстық ҚХА Журналистер клубының төрайымы Гүлбаршын Дәкенқызы Салық этножурналистиканың заманауи бағыттары мен медиадағы кәсіби жауапкершілік мәселелеріне тоқталды. БАҚ-пен өзара іс-қимыл, интернет-ресурстар мен әлеуметтік желілер мониторингі бөлімінің басшысы Бердібек Нұрғасыр Әбдісерікұлы ақпараттық ахуал, медиа сауаттылық және контент сапасы тақырыбында тың мәліметтер ұсынды.

Сонымен қатар «Зерен» газетінің редакторы Светлана Васильевна Ким



және «Ақмолинская правда» газетінің тілшісі Наталья Геннадьевна Яковлева этносаралық тақырыптарды жариялау тәжірибесі мен журналистік әдістер туралы баяндады.

Баяндамалардан кейін пікірталас және сұрақ-жауап бөлімі ұйымдастырылып, қатысушылар өз ойларын, ұсыныстарын ашық білдірді.

Қорытынды сөзінде Сейітов Еркін Қайыржанұлы этностар арасындағы өзара құрмет пен сенім елдегі тұрақтылықтың негізгі тірегі екенін атап өтті:

«Бұл құндылықтарды ақпараттық кеңістікте нығайту – баршамыздың ортақ міндетіміз. Бүгін ортаға салынған ойлар мен ұсыныстар этножурналистиканы дамытуға серпін береді деп сенемін», – деді.

Іс-шара соңында қатысушылар естелік фотосуретке түсті.

Этносаралық келісім, татулық және өзара сенім – еліміздің дамуы мен тұрақтылығының кепілі. Мұндай кездесулер кәсіби тәжірибе алмасуға мүмкіндік беріп, журналистиканың жауапкершілігін арттыруға серпін береді.

## «Қорғалжын ауданы Кеңбидайық ауылдық округі әкімінің аппараты» мемлекеттік мекемесінің мемлекеттік қызмет көрсету ақпараты

Қорғалжын ауданының Кеңбидайық ауылдық округі әкімінің аппараты мемлекеттік мекемесі өз қызметін Қазақстан Республикасының Ауыл шаруашылығы министрлігінің 2020 жылғы 1 қазандағы №301 бұйрығына және мемлекеттік қызмет көрсету қағидаларына сәйкес жүзеге асырады.

Мемлекеттік қызметтер тұрғындарға көрсетілетін негізгі бағыттар төмендегідей:

1. Жер учаскесінің нысаналы мақсатын өзгерту шешімін беру

Құжаттар пакетін тапсыру үшін күту уақыты – 15 минуттан аспайды.

Қызмет көрсету нәтижесінде көрсетілетін қызмет алушының атына жер учаскесінің нысаналы мақсатын өзгерту туралы шешім беріледі. Өтініштер электрондық цифрлық қолтаңба арқылы «eGov» порталы арқылы немесе қағаз түрінде әкім аппаратының кеңсесіне келіп тапсырылуы мүмкін.

Қызмет дүйсенбі–жұма аралығында, сағат 09:00-ден 18:30-ға дейін, түскі үзіліс 13:00-ден 14:30-ға дейін қабылданады.

2. Кент, ауыл жерлерінен жер учаскесін беру  
Елді мекен шегінде объект салу үшін мемлекет меншігіндегі жер учаскелерін беру жер қатынастары туралы заңға сәйкес жүзеге асырылады.

Өтініш иесі келесі құжаттарды ұсынады:  
жеке куәлік көшірмесі;  
жер учаскесінің орналасқан жері мен мөлшері көрсетілген сызба (қосымшада);  
өтініш және мақсатты пайдалану түрі.  
Қызмет көрсетудің жалпы мерзімі – 15 (он бес) жұмыс күні.

3. Жер учаскесін алу үшін кезекке қою  
Қызмет алушы «eGov» электрондық үкімет порталы немесе «Азаматтарға арналған үкімет» мемлекеттік корпорациясы арқылы өтініш бере алады.

Өтініш берген сәттен бастап жер учаскесін алу

туралы шешім қабылдау мерзімі – 15 жұмыс күні.  
Азаматтарды қабылдау тәртібі

Кеңбидайық ауылдық округі әкімінің аппараты ғимаратында азаматтарды қабылдау дүйсенбі мен жұма аралығында, сағат 09:00-ден 18:30-ға дейін, түскі үзіліс 13:00-ден 14:30-ға дейін жүргізіледі. Демалыс және мереке күндері – қабылдау жүргізілмейді.

Кеңсе қызметкерлері мемлекеттік қызмет көрсету сапасын арттыру, тұрғындарға ыңғайлы жағдай жасау және процестің ашықтығын қамтамасыз ету бағытында жұмыс істейді.

Байланыс ақпараты:  
Қорғалжын ауданы, Кеңбидайық ауылы, С.Сейфуллин көшесі, №4 үй  
Телефон: 8 (71637) 4-36-10  
Қабылдау уақыты: дүйсенбі–жұма, сағат 09:00–18:30, түскі үзіліс 13:00–14:30.

**Қорғалжын ауданы Кеңбидайық ауылдық округінің әкімшілігі**

## "Балтабеков и К" ЖШС бойынша ашық жиналыстар түрінде қоғамдық тыңдаулар өткізеді:

1. Ақмола облысы Қорғалжын ауданындағы Ушсарт кен орнының шөгінді жыныстарын өндіру жөніндегі тау-кен жұмыстарының жоспарына «Мүмкін болатын әсерлер туралы есеп» жобасы, сондай-ақ «Ақмола облысы Қорғалжын ауданындағы Ушсарт кен орнындағы жер қойнауын пайдалану салдарының жою жоспарын» әзірлеу үшін міндеттерді анықтау, нұсқаны таңдау, іс-шаралар мен орындау критерийлерін айқындау мақсатында.

Тыңдаулар өткізілетін уақыты мен орны:

- 2025 жылғы 22 желтоқсан, сағат 12:00-де, мекенжайы: Ақмола облысы, Қорғалжын ауданы, Ушсарт ауылы, әкімдік ғимаратында.

2. Ақмола облысы Қорғалжын ауданы аумағындағы «Ушсарт» кен орнында шөгінді жыныстарды өндіруге арналған Тау-кен жұмыстарының жоспарына:

— Ластаушы заттардың шекті рұқсат етілген шығарындылары нормативтерінің жобасы;  
— Қалдықтармен басқару бағдарламасы;  
— Өндірістік экологиялық бақылау бағдарламасының жобасы;

— Қоршаған ортаны қорғау жөніндегі іс-шаралар жоспары жобасы.

Тыңдаулар өткізілетін уақыты мен орны:  
- 2025 жылғы 22 желтоқсан, сағат 10:00-де, мекенжайы: Ақмола облысы, Қорғалжын ауданы, Ушсарт ауылы, әкімдік ғимаратында.

Ашық жиналыс өткізу мерзімі қоғамдық тыңдауларға қатысушылардың шешімі бойынша қатарынан бес жұмыс күніне дейін ұзартылуы мүмкін.

Егер төтенше жағдай немесе шектеу шаралары, оның ішінде карантин, әлеуметтік, табиғи және техногендік сипаттағы төтенше жағдайлар енгізілсе, қоғамдық тыңдаулар Zoom платформа-сында бейнеконференция форматында өткізіледі.  
Zoom сілтемесі:

<https://us06web.zoom.us/j/8545882756?pwd=Ykw15qZ10BfsFcPKvbPpOJR3mUmbOH.1&omn=81653036473>. Конференция идентификаторы: 854 588 2756. Қол жеткізу коды: Gr93D4.

Бастамашы: "Балтабеков и К" ЖШС, БСН 031240004473, заңды мекенжайы: Ақмола облысы, Қорғалжын ауданы, Қорғалжын ауылдық округі, Қорғалжын ауылы, Абай Құнанбаев

көшесі, 44А ғимарат, пошта индексі 021300, тел. 8-776-318 - 41-01, email: sandumakh86@mail.ru. директоры Оралбеков Нұрлан Рамазанұлы.

Жобалық құжаттаманы әзірлеуші: «NAZ» ЖК, Қазақстан Республикасы, Көкшетау қ., Орталық шағын ауданы, 50а/153 үй. Тел.: 8 701 750 3822.

Жергілікті атқарушы орган: «Ақмола облысының табиғи ресурстар және табиғат пайдалануды реттеу басқармасы» ММ, тел.: 8 (7162) 40 28 07.

Жоба бойынша құжаттама келесі платформа-ларда орналастырылған:

<https://ndbecology.gov.kz/>, МИО сайты: [www.upr.akmo.gov.kz](http://www.upr.akmo.gov.kz), <https://www.gov.kz/memleket/entities/aqmola-upr/activities/directions?lang=ru>.

Жоспарланып отырған қызмет туралы ақпарат пен құжаттар көшірмелерімен танысу үшін байланыс: [orazalinova@list.ru](mailto:orazalinova@list.ru), +7 701 750 3822.

Қызығушылық танытқан жұртшылықтың ескертулері мен ұсыныстары мына электрондық мекенжайға қабылданады: [expreso@mail.ru](mailto:expreso@mail.ru)

Жоспарланған қызметтің орналасу координаттары: 50° 21' 07.95", 70° 10' 03.27".

Әсер ету аумағының орналасу координаттары: 50°18'9.23"C, 70° 3'9.09"Ш.

## ТОО «Балтабеков и К» проводит общественные слушания в форме открытых собраний по:

1) проекту Отчет о возможных воздействиях к плану горных работ по добыче осадочных пород месторождения Ушсарт в Коргалжынском районе Акмолинской области, а также с целью определения задач, выбора варианта, мероприятий, и критериев выполнения ликвидации для разработки «Плана ликвидации последствий недропользования на месторождении Ушсарт Коргалжынском районе Акмолинской области.

Слушания будут проводиться:

- 22/12/2025 12:00 ч. по адресу: Акмолинская область, Коргалжынский район, с.Ушсарт, в здании акимата;

2) Проект нормативов допустимых выбросов, Программа управления отходами; проект программы производственного экологического контроля; проект плана мероприятий по охране окружающей среды к плану горных работ по добыче осадочных пород месторождения Ушсарт в Коргалжынском районе Акмолинской области.

Слушания будут проводиться:

- 22/12/2025 10:00 ч. по адресу: Акмолинская

область, Коргалжынский район, с.Ушсарт, в здании акимата.

Срок проведения открытого собрания может быть продлен до пяти последовательных рабочих дней по решению участников общественных слушаний.

В случае введения чрезвычайного положения или ограничительных мероприятий, в том числе карантин, чрезвычайных ситуаций социального, природного и техногенного характера, общественные слушания пройдут в формате видеоконференции на платформе Zoom. Ссылка на Zoom: <https://us06web.zoom.us/j/8545882756?pwd=Ykw15qZ10BfsFcPKvbPpOJR3mUmbOH.1&omn=81653036473>

Идентификатор конференции: 854 588 2756 Код доступа: Gr93D4

Инициатор: ТОО «Балтабеков и К», БИН 031240004473, юридический адрес: Акмолинская область, Коргалжынский район, Коргалжынский сельский округ, село Коргалжын, улица Абая Кунанбаева, здание 44А, почтовый индекс 021300, тел. 8-776-318- 41-01, email: [sandumakh86@mail.ru](mailto:sandumakh86@mail.ru). Директор Уралбеков Нурлан Рамазанович.

Разработчик проектной документации: ИП NAZ, Республика Казахстан, г. Кокшетау, мкр.Центральный 50а/153, тел: 87017503822.

Местный исполнительный орган: ГУ «Управление природных ресурсов и регулирования природопользования Акмолинской области», тел.: 8(7162)402807.

Документация по проекту размещена на платформе <https://ndbecology.gov.kz/> и на сайте МИО [www.upr.akmo.gov.kz](http://www.upr.akmo.gov.kz), <https://www.gov.kz/memleket/entities/aqmola-upr/activities/directions?lang=ru>.

Контакты, по которым можно получить информацию о намечаемой деятельности, и ознакомиться с копией документов: [orazalinova@list.ru](mailto:orazalinova@list.ru), +77017503822.

Замечания и предложения заинтересованной общественности принимаются по адресу: [expreso@mail.ru](mailto:expreso@mail.ru).

Координаты расположения намечаемой деятельности: 50° 21' 07.95", 70° 10' 03.27".

Координаты расположения территории воздействия: 50°18'9.23"C, 70° 3'9.09"В.

## Қорғалжын ауданы бойынша ауыл әкімдерінің халыққа есеп беру кездесулері өтуде

Қорғалжын ауданында ауылдық округ әкімдерінің 2025 жылдың екінші жартыжылдығында атқарылған жұмыстар туралы халық алдындағы есеп беру кездесулері жалғасуда. Мұндай жиындардың басты мақсаты – жергілікті билік органдарының жұмысын саралап, тұрғындардың ұсыныс-пікірлерін ескеріп, алдағы кезеңге нақты міндеттерді айқындау.

### Қарашалғын ауылдық округі

Қарашалғын ауылдық округінде өткен жиынға аудан және ауылдық округ әкімдері, бөлім басшылары мен ауыл тұрғындары қатысты. Округ әкімі ауылдың әлеуметтік-экономикалық дамуы, инфрақұрылым, жол жөндеу, білім және медицина салаларында атқарылған жұмыстар мен 2026 жылға арналған жоспарлар туралы баяндама жасады. Тұрғындар тарапынан су құбырына қатысты жер учаскесін түзету, жайылым жер тапшылығы, мал бақтыру, Жантеке-Ұялы бағытындағы жолды жөндеу, ауыз су және жас мамандарды тұрғын үймен қамтамасыз ету сияқты мәселелер көтерілді. Аудан әкімі Алин Алмас Аянұлы барлық ұсыныстарды назарға алып, жауапты бөлім басшыларына нақты тапсырмалар берді.



### Сабынды ауылдық округі

Сабынды ауылында өткен есептік кездесуге аудан әкімі А.А.Алин қатысып, тұрғындармен ашық пікір алмасты. Округ әкімі ауылдың әлеуметтік-экономикалық дамуы, білім, мәдениет, медицина және инфрақұрылым бағыттарында атқарылған жұмыстарды баяндады. Кездесуде ауылшілік жолдарды жөндеу, жер пайдалану, оқушылар тасымалы маршруттын өзгерту және көшелерді жарықтандыру мәселелері көтерілді. Аудан басшысы тұрғындар көтерген барлық сұрақтардың ескерусіз қалмай, кезең-кезеңімен шешілетінін атап өтті.

### Майшұқыр ауылдық округі

Майшұқыр ауылдық округінің әкімі А.С. Смағұлов 2025 жылдың екінші жартыжылдығында атқарылған жұмыстар туралы есеп берді. Округ аумағында 218 адам тұрады. Мал шаруашылығы саласында ІҚМ – 459, ҰҚМ – 1091, жылқы – 474 бас бар. Ауылда 28 оқушысы бар мектеп, шағын орталық, 2 кітапхана

және медициналық пункт жұмыс істейді. Жергілікті кәсіпкерлер мен ауыл жастарының демеушілігімен ауылды абаттандыру, ағаш отырғызу, жол белгілерін орнату және мәдени нысандарды жаңарту шаралары жүргізілуде. Алдағы кезеңде коммуналдық тұрғын үй салу, Құмкөл-Жантеке бағытындағы жолды жөндеу және мал бордақылау алаңын ашу жоспарланған.

### Өркендеу ауылы

Амангелді ауылдық округінің әкімі С.У. Мамырамов Өркендеу ауылы тұрғындары алдында есеп беріп, ауылдың әлеуметтік-экономикалық дамуы жөнінде баяндама жасады. Абай көшесіне 1,32 шақырым асфальт жол төселіп, көгалдандыру және абаттандыру жұмыстары жүргізілді. Мал шаруашылығында өсім байқалады: ІҚМ – 1698, ҰҚМ – 2929, жылқы – 2426 бас. Тұрғындар ауыз судың бағасын төмендету, жол жөндеу және мәдени нысандар ашу мәселелерін көтерді. Барлық ұсыныстар аудан әкімінің бақылауына алынды.



### Арықты ауылдық округі

Арықты ауылында ауылдық округ әкімі Г.З. Мажитова тұрғындар алдында 2025 жылдың екінші жартыжылдығында атқарылған жұмыстар туралы есеп берді. Кездесуде округтің әлеуметтік-экономикалық дамуы, ауыл шаруашылығы, жер қатынастары, білім, мәдениет, денсаулық сақтау және тұрғын үй-коммуналдық шаруашылық салаларындағы атқарылған істер мен алдағы жоспарлар баяндалды. Әкім өз есебінде Арықты және Садырбай ауылдарының ішкі жолдарын жөндеу, көшелерді жарықтандыру, елді мекендерді ауыз сумен қамтамасыз ету, мал жайылымдарын тиімді пайдалану және көмірмен қамту мәселелеріне



тоқталды. Арықты-Садырбай арасындағы 15 шақырым жолды жөндеу бойынша жобалық-сметалық құжаттама дайындалғаны айтылды. Тұрғындар тарапынан жарықтандыру, мал жайылымы, зейнеткерлерді сауықтыру орындарына жіберу және көмірмен қамту мәселелері қозғалды. Барлық сұрақтарға нақты жауап беріліп, тиісті ұсыныстар бақылауға алынды.

### Кеңбидайық ауылдық округі

Кеңбидайық ауылдық округінің әкімі Ж.Б. Шекенов 2025 жылғы атқарылған жұмыстар жөнінде баяндама жасады. Әкім өз сөзінде ауыл шаруашылығы мен кәсіпкерлік, білім мен денсаулық сақтау, мәдениет, спорт және инфрақұрылым бағыттарындағы нәтижелерге тоқталды. Биылғы жылы ауылшілік жолдар жөнделіп, санитарлық тазалық, көгалдандыру және абаттандыру жұмыстары жүйелі түрде жүргізілді. «Кеңбидай-Астық», «Файзер капитал», «Мәншүк АЭ» шаруа қожалықтарының қолдауымен ауыл тұрғындарына әлеуметтік көмек көрсетілді. Мектеп шатыры жаңартылып, воркаут алаңы орнату жоспарланып отыр. Фельдшерлік амбулатория салу үшін жер телімі бөлініп, құжаттар дайындалған. Тұрғындар өз ұсыныстарын білдіріп, әкімнің есебін қанағаттанарлық деп бағалады.

Есеп беру кездесулері өзара ашық пікір алмасу түрінде өтіп, тұрғындар көкейіндегі сұрақтарына жауап алды. Аудан әкімі барлық ауылдық округтерден түскен ұсыныстар мен мәселелердің кезең-кезеңімен шешілуін жеке бақылауға алатынын атап өтті. Аудан әкімі келесі кезекте Қызылсай және Қорғалжын ауылдық округ әкімдерінің есебін тыңдайды. Бұл жайында газеттің келесі сандарында оқи аласыздар.

«Нұр-Қорғалжын» газетінің ақпараты

## Как модернизация теплосетей и строительство ТЭЦ меняют энергокарту Акмолинской области

Акмолинская область встретит зиму без сбоев и отключений, заверил аким региона Марат Ахметжанов на брифинге в Службе центральных коммуникаций, подчеркнув, что отопительный сезон проходит в штатном режиме, а подготовка к нему началась задолго до холодов.

Масштаб работ действительно впечатляет: по области заменено более 40 километров тепловых сетей, реконструированы и построены новые участки, обновлено оборудование котельных. Особое внимание уделено городам и селам, где износ инфраструктуры был наиболее высоким.

«В Степногорске обновлено 17 километров теплотрасс, что снизило износ с 80 до 68 процентов. В Атбасаре показатель снизился до 68 процентов, а в Кокшетау все запланированные работы по подготовке к зиме выполнены на 100 процентов. Отопительный сезон проходит стабильно,

но, дефицита угля нет», - поделился Марат Ахметжанов.

Особая роль в обеспечении области теплом принадлежит Степногорской ТЭЦ. Сегодня она обеспечивает теплом более 21 тысячи абонентов. Построенная еще в 60-х, теплоэлектроцентраль остается ключевым источником энергии региона. Несмотря на возраст оборудования, станция работает стабильно. Здесь проведены капитальные ремонты всех турбин и котлов.

Настоящим прорывом для региона стало начало строительства новой теплоэлектроцентрали в областном центре. Этот объект уже называют стратегическим для всего

севера Казахстана. После завершения строительства станция обеспечит горожан и промышленность региона теплом и электричеством, что снимет зависимость от привозных мощностей и создаст запас на будущее. Запуск первой очереди ТЭЦ намечен на 2028 год, второй - на 2029.

Проект включает не только саму станцию, но и строительство новых теплотрасс, водоводов, линий электропередачи, а также реконструкцию существующих сетей и восстановление системы горячего водоснабжения в многоквартирных домах.

Параллельно развиваются другие направления комму-



нальной инфраструктуры. В этом году в пристольичной зоне реализуются шесть проектов электроснабжения протяженностью 165 километров обеспечат стабильным электричеством более 30 тысяч акмолинцев. В следующем году начнется строительство новых подстанций в Кокшетау и Косшы.

Газификация также идет по плану. В этом году газ пришел в Нурлы, Аккайын, Шубары, Косшы, Ыбырай Алтынсарина и Талапкер - это почти 50 тысяч человек, которые впервые перешли на природное топливо. А в следующем году подключат еще шесть населенных пунктов, включая Караоткель, Кызылсуат и Тайтобе.

# Мемлекеттік тіл – этносаралық татулық пен ұлттық бірегейліктің тұғыры

**«Өз тілімен сөйлескен, өз тілімен жазған жұрттың ұлттығы еш уақытта жоғалмайды.»**

**Ахмет Байтұрсынұлы**

Қазақстан - бейбітшілік пен келісімнің мекені. Осы киелі жерде жүзден астам ұлт өкілі тату-тәтті өмір сүріп, ортақ Отанның өркендеуіне үлес қосып келеді. Мұндай көп этносты қоғамда барлығын біріктіретін ең басты рухани күш - мемлекеттік тіл. Қазақ тілі - елдіктің өзегі, ұлттың жаны, ал оны этносаралық қатынастардың басты тіліне айналдыру - қазіргі тіл саясатының стратегиялық бағыты.

Мемлекеттік тілдің мәртебесі Қазақстан Республикасының Конституциясының 7-бабында айқын бекітілген: «Қазақстан Республикасындағы мемлекеттік тіл - қазақ тілі». Сондай-ақ, «Қазақстан Республикасындағы тіл туралы» Заңның 4-бабында: «Мемлекеттік тіл - мемлекеттік басқару, заң шығару, сот ісін жүргізу және іс қағаздарын жүргізу тілі», - деп көрсетілген. Бұл баптар мемлекеттік тілдің қоғам өмірінің барлық саласында қолданылуы тиіс екенін нақтылай отырып, оның мемлекеттілікті қалыптастырудағы және ұлт бірлігін нығайтудағы рөлін айқындайды. Бүгінде тіл саясатының басты мақсаты - барлық этностарды біріктіретін ортақ тілдік кеңістік құру. Бұл - ұлтқа бөлмей, елге біріктіретін өркениетті жол. Мемлекеттік тіл - елдің тұрақтылығы мен тұтастығының кепілі. Мемлекет басшысы Қасым-Жомарт Тоқаев өзінің 2023 жылғы Қазақстан халқына Жолдауында былай деген еді: «Қазақ тілі - елімізді біріктіретін басты фактор. Мемлекеттік тілді меңгеру - әрбір

азаматтың парызы әрі ұлт алдындағы борышы».

Бұл сөз - тілге деген мемлекеттік көзқарастың айқын көрінісі. Президент атап өткендей, қазақ тілі - тек қазақ халқының емес, бүкіл қазақстандықтардың ортақ тілі, ортақ рухани кеңістігі болуы керек. Мемлекеттік тілдің мәртебесін арттыру - елдің бірлігі мен болашағына қызмет етудің нақты көрінісі.

Тіл мәселесін ұлттық сананың өзегі ретінде көтерген - Алаш арыстары. Ахмет Байтұрсынұлы: «Өз тілімен сөйлескен, өз тілімен жазған жұрттың ұлттығы еш уақытта жоғалмайды», - деп жазған. Бұл сөздің мәні бүгін де терең. Тіл - ұлттың жаны ғана емес, оның рухы мен болмысы. Байтұрсынұлы бастаған Алаш зиялылары қазақ тілін ғылым мен білімнің, баспасөз бен әдебиеттің тіліне айналдыру жолында күресті. Олардың еңбегінің нәтижесінде тіл - халықтың рухани тәуелсіздігінің тірегіне айналды. Қазіргі таңда Қазақстан халқы Ассамблеясы мен өңірлік тілдерді дамыту орталықтары этнос өкілдерінің қазақ тілін үйренуіне кең мүмкіндік жасап отыр. Мемлекеттік тіл тек мемлекеттік мекемелерде ғана емес, бизнес, білім беру, мәдениет және бұқаралық ақпарат құралдары саласында да кеңінен қолданылып келеді. Көптеген өзге ұлт өкілдері қазақ тілін үйрену арқылы елдің тарихына, дәстүрі мен мәдениетіне терең бойлап, өзін осы қоғамның бір бөлшегі ретінде сезінуде. Бұл үрдіс - нағыз ұлттық бірегейліктің қалыптасуының айғағы.

Этносаралық қатынаста тілдің маңызы - тек сөздік қарым-қатынас шегінде емес. Ол - өзара түсіністік пен сыйластықты нығайтатын рухани көпір. Тілді үйрену арқылы адам сол ұлттың дүниетанымына, болмысына жақындайды, ал бұл өз кезегінде сенім мен сыйластықтың орнауына әкеледі.

Мемлекеттік тілді кеңінен қолдану мен насихаттау - әрбір азаматтың, әр мекеменің және қоғамның ортақ жауапкершілігі. Тіл - тек мәдени мұра емес, ол - ұлттың экономикалық және әлеуметтік дамуының да тетігі. Бүгінгі жас буын қазақ тілін ғылым мен технологияның, іскерлік пен инновацияның тіліне айналдыруға ұмтылып отыр. Бұл - болашаққа деген сенімнің, жаңару мен жаңғырудың көрінісі. Мемлекеттік тілді дәріптеу - өз тарихыңды, мәдениетіңді, ұлттың болашағын қорғау деген сөз. Қазақ тілінің өміршеңдігі - елдің рухани қуаты мен мәдени биіктігінің өлшемі.

Тілді меңгеру - бір халықтың мәдени кеңістігіне ену, оның болмысын тану. Сондықтан қазақ тілін білу - Қазақстанның әрбір азаматы үшін абырой мен ардың ісі. Қазақ тілі - Тәуелсіз еліміздің рухани тірегі, этносаралық келісім мен ұлттық бірегейліктің негізгі факторы. Мемлекеттік тілдің қолданыс аясын кеңейту - ел болашағына деген жауапкершілік пен сүйіспеншіліктің көрінісі. Тіл тағдыры - ел тағдыры. Сондықтан әр азамат, қай ұлт өкілі болмасын, қазақ тілін үйреніп, құрметтеу арқылы ортақ Отан - Қазақстанның болашағына үлес қосады.

**Тажимова Ботагөз Сембайқызы, журналист, Қорғалжын ауданы**

## Важно знать!

**При открытии дорог с сопровождением полиции и специализированной техникой дорожных служб водители должны учитывать следующие правила:**

1. Соблюдение указаний сопровождающих служб
- Выполняйте инструкции сотрудников полиции и дорожных служб. Держитесь в колонне, не опережайте других участников движения.
2. Соблюдение дистанции
- Увеличьте дистанцию до впереди идущих автомобилей, чтобы избежать столкновений на скользкой дороге.
3. Скоростной режим
- Двигайтесь с той скоростью, которую задают сопровождающие машины. Не превышайте скорость, даже если участок дороги кажется безопасным.
4. Внимательность и осторожность
- Следите за состоянием дороги (лед, снежные заносы, наледь).



Избегайте резких манёвров и торможений. Информирование о возможных проблемах. Если ваш автомобиль сломался или возникли иные проблемы, немедленно сообщите сопровождающим службам.

6. Терпимость и соблюдение порядка

Избегайте конфликтов на дороге. Проявляйте уважение к другим участникам движения и сопровождающим службам.

В зимних условиях важно помнить, что безопасность зависит от каждого участника движения, поэтому проявляйте максимальную внимательность и дисциплину.

## Осторожно, тонкий лёд!

Отдел по чрезвычайным ситуациям Коргалжинского района предупреждает: лёд в этот период ещё не окреп и не прощает ошибок!

- Помните:
- безопасная толщина льда для выхода человека — от 10 см и выше;

- не проверяйте прочность льда ударом ноги;
  - не выходите на лёд в одиночку и в тёмное время суток;
  - объясните детям, что игры на замёрзших водоёмах смертельно опасны!
- Берегите себя и своих близких!

## Көлікті қыста қалай дұрыс жабдықтау керек?

Ең алдымен, дөңгелектерді қысқысыға ауыстырыңыз қажет;

Автокөлікте болуға тиісті заттар:

1. күрек;
2. сүйреткіш арқан;
3. жылы киім;
4. апаттық аялдама ескерту белгісі;
5. жанар-жағармай қоры;
6. қол шамы;
7. жарқыраған мата;
8. алғашқы медициналық көмек қобдишасы;
9. зарядталған пауэрбан.

Жолға шығар алдында Darmen мобильді қосымшасынан жолдардың жағдайын біліңіз;

**Төтенше жағдайда 112 нөміріне хабарласыңыз!**

### ОБЪЯВЛЕНИЕ

В связи со смертью гр.БЕЗПАЛОЙ РОЗЫ АЛЕКСАНДРОВНЫ, умершей 12 мая 2025 года, открылось наследство. Наследникам обращаться к нотариусу Саутовой С.М. по адресу: с.Коргалжын, ул.Болганбаева, 14, 2 эт.

В связи со смертью гр.Уразалина Сабыржана Тойшыбековича, умершего 13 мая 2025 года, открылось наследство. Наследникам обращаться к нотариусу Саутовой С.М. по адресу: с.Коргалжын, ул.Болганбаева, 14, 2 эт.

**Құрылтайшы меншік иесі:**  
**ЖШС «Нұр-АяуЖан»**  
**Директор/редактор:**  
**Ботагөз Тажимова**  
**Дизайнер-беттеуші:**  
**Дөненқызы Шынар**

**Мекен-жайы:**  
**Ақмола облысы,**  
**Қорғалжын ауданы,**  
**Қорғалжын ауылы,**  
**Кенжебек Күмісбеков**  
**көшесі 31,**  
**тел: +7 778 229 34 08**

**Газет**  
**Қазақстан Республикасы**  
**Мәдениет және Ақпарат**  
**министрілігі**  
**Ақпарат және Мұрағат**  
**комитетінде тіркеліп,**  
**№12797-Г куәлік алған**  
**(01.06.2012)**

**Газет «Нұр-Қорғалжын»**  
**«Нұр-АяуЖан» ЖШС**  
**редакциясында теріліп жи-**  
**налды, баспа «Медиа-холдинг**  
**ERNUR» ЖШС,**  
**Астана қ-сы, Сілеті к-сі 30,**  
**Таралымы 1000 дана**  
**Аптаның әр бейсенбі**  
**күндері шығады**

**Автордың пікірі редакцияның**  
**көз-қарасын білдірмейді.**  
**\*\*\*\*\***  
**Қол жазба рецензияланбайды**  
**және авторға қайтарымайды**  
**\*\*\*\*\***  
**Редакция хаттарға жауап беруге**  
**міндетті емес**  
**\*\*\*\*\***  
**Ұсынылған материалдардағы**  
**фактілер үшін автор жауап береді**  
**\*\*\*\*\***  
**Интернеттен алынған ақпараттар**  
**басқа автор атынан**  
**жарияланбайды.**